



Minnisatriði

Selfossi 4. maí 2026

Heilbrigðisnefnd Suðurlands vísar til [umsagnar](#) sinnar dagsett 15.apríl 2026 um mál 568. þskj. 964 á 157.löggjafarþingi og [umsagnar](#) dagsett 16.apríl 2026 um mál 582 á 157. löggjafarþingi.

Heilbrigðisnefnd Suðurlands vill þó sérstakleg benda á eftirfarandi atriði.

- Heilbrigðiseftirlit Suðurlands er byggðasamlag 14 sveitarfélaga á Suðurlandi.
- Aðildarsveitarfélög Heilbrigðiseftirlits Suðurlands (HSL) bera ábyrgð á fjárhagslegum skuldbindingum HSL og starfar heilbrigðisnefnd í umboði þeirra.
- Þrátt fyrir að fjárhagsleg ábyrgð og rekstur á HSL sé með öllu á hendi sveitarfélaganna hefur aðkoma þeirra að málum, allt frá upphafi verið nánast engin. Og hið svo kallaða samráð af hálfu ríkisins verið í formi tilkynninga en ekki eiginlegrar samráðsvinnu.
- Óljóst er hvaða verkefni munu sitja eftir hjá sveitarfélögunum, hvaða kostnaður falli á þau við yfirfærsluna og hvernig sveitarfélögin eigi að fjármagna og sinna þeim verkefnum sem eftir sitja.
- Eins hefur ekki komið skýrt fram hvað verður um starfsmenn heilbrigðiseftirlitanna.
- Verður ábyrgð á fjárhagslegum skuldbindingum vegna starfsmanna skilin eftir hjá sveitarfélögunum s.s tímasetningum uppsagna og greiðslum á uppsagnarfresti?
- Hvað með aðrar skuldbindingar s.s lífeyrisskuldbindingar og leigusamningum á húsnæði?
- Í gr 9.3 samþykktar HSL, um úrsögn og slit segir: *Tillaga aðildarsveitarfélaga um slit byggðarsamlagsins þarf að berast formanni heilbrigðisnefndar og framkvæmdarstjóra eigi síðar en 6 (sex) mánuðum fyrir næsta áætláðan aðalfund stjórnar byggðarsamlagsins.*
- Af þessu má ljóst vera að sveitarfélögin á Suðurlandi þurfa að reka byggðarsamlagið fram á næsta ár þar sem tímafrestur til að leggja fram tillögu um slit fyrir aðalfund (sem halda skal fyrir 1.nóv) er liðinn.
- Augljóst er að verulegur auka kostnaður mun falla á sveitarfélögin á Suðurlandi nái fyrirhugaðar lagabreytingar fram að ganga, þau munu sitja uppi með óstarfhæft embætti og ábyrgð á verkefnum sem útheimta kostnað en gefa engar tekjur á móti.
- Að öllu ofangreindu er full ljóst að vanvirðing ríkisins gagnvart sveitarfélögunum í þessu máli er algjör. Stöðugt er verið að veikja sveitarstjórnarstig og færa ákvarðanir og framkvæmd í mikilvægum málaflokkum úr höndum sveitarstjórna til embættismanna ríkisins.

F.h. Heilbrigðisnefndar Suðurlands
Undirritað rafrænt, sjá næstu bls.

Guðrún S. Magnúsdóttir, Bláskógabyggð - Formaður
Páll Tómasson, Mýrdalshreppi - Varaformaður
Fjóla St. Kristinsdóttir, Sveitarfélaginu Árborg
Kjartan Þ Ólafsson, Sveitarfélaginu Ölfusi
Örn Friðriksson, Vestmannaeyjabæ
Oddur Árnason, Fulltrúi atvinnurekenda

